



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1849

CCCXLIII. Kurfürst Joachim ladet die von Schlieben zu Baruth auf Klage des Propstes des Klosters auf dem Berge zu Brandenburg zum Verhör, am 18. Sept. 1510.

[urn:nbn:de:hbz:466:1-54022](https://nbn-resolving.org/urn:nbn:de:hbz:466:1-54022)

CCCXLII. Kurfürst Joachim verleiht der Altstadt Brandenburg einen dritten Jahrmarkt, am 19. Oct. 1509.

Von gottes gnadenn wir Joachim — Churfürste — Bekennen vnd thun kunt öffentlich mit difem bryffe vor vns, vnser erben vnd nachkomen Marggraffen zu Brandenburg vnd sunst aller-
meniglich, Als aus gutter alter hergebrachter gewonheytt zwey wochen marckt In vnser newen Stadt
Brandenburg zu besserung der Stadt vnd eynwoner doselbst gehalten worden, das wir In an-
sehung getrewer williger annehmer dinst, die vnser lieben getrewen Burgermeisteren vnd Rathmann
gewercken vnd ganncze gemaynde vnser alten stadt Brandenburg vnd vns alzeit bisher gethan
vnd hinfur woll mehr thun können vnd sollen, zu besserung genanter Stadt Ihrer einwoner vnd ge-
meynen nutz, auch aus sonderen gnaden Inen als die landesfürsten den dritten wochen marckt bey
Inen In vnser alten Stat Brandenburg allerley handelung mit kauffenn vnd verkauffenn zu halten
gnediglich vorgont, erlawbt vnd bestettigt haben vnd also wan der dritte wochenmarckt bey Inen ge-
halten wirt, des als dann keiner In vnser Newenstadt Brandenburg kewffen oder verkewffen noch
vehle haben soll, In allermas die aus der alten stadt, wenn die zwey wochen marckt in der Newenstat
gehalten wurden, thun müssen, bei vermeydung vnser Straff die wir vnns hiemit vorbehalten. Wyr
vorgonnen Inen solichen wochenmarckt mit allen ynd iglichen freyheyttten wie solchs wochenmarckts
recht vnd gewonheytt ist zu halten vnd alles das wir Inen von gnaden vnd rechts wegen daran zu
geben zu uorgonnen vnd zu bestettigen haben, Inn craft vnd macht diczs briffs. Zu urkuñt etc.
Actum tangermundt, am freytag nach Galli, Anno nono. Com. propria principis Electoris.

Nach dem Kurmärk. Lehenscopialbuche des K. Geh. Kab. Archives XXXII, 208.

CCCXLIII. Kurfürst Joachim ladet die von Schlieben zu Baruth auf Klage des Propstes
des Klosters auf dem Berge zu Brandenburg zum Verhör, am 18. Sept. 1510.

Joachim, von gottes gnaden etc. Vnnsern grus zuuor lieben getrewen. Als wir euch hie-
uorn uormals vnd jungst Suntags nach Exaltationis crucis alhir zu Coln an der Sprewe zu-
erscheinen rechtlich peremptorie vnd aufs vberflüssigkeit furbescheiden, Heren valentin schuler,
Propst vff vnser lieben frawen Berg vor Brandburg montags darnach zu seinen angestellten
clagen zu antwortten vnd ir alzeit vngehorsam auffen blieben, desselben wir auch von euch hochlich
beswert vnd befrembdung tragen, vnd wiewol dw veit ouch von wegen deins Bruders vnd vettern
jn negst deinem schreiben aufs angezeigter vrsachen vmb erstreckung des tags vnd ander tagatzung
gebetten, vnd aber gemeltter Brobst, der diesen termin personlich mit vnkosten alhir besucht, deins
schreibens vnd entschuldigung nicht gefettigt gewesen, funderlich so jme der rechttag zeitlich zuuorn
nicht apgekündigt, vnd zu recht gebetten, euch sambtlich als vngehorsame jn gerichts kost vnd Ex-
pens dieses termyns zuuerteylen vnd jme dem Brobst vff vorig sein betlich vnd rechtlich ansuchen zu-
verhelffen; Solcher seiner bette wir dismals so viel recht stat gegeben vnd furder ladung Erkant haben,
Ernennen euch hirumb nochmals peremptorie vnd aufs vberflüssigkeit einen rechttag, nemlich am tag
galli schirft alhier zu Coln an der Sprew Einzukommen volgendes tags mit gemelten Brobst des

rechtens zu wartten: dann ir komet oder nicht, sol gleichwol allenthalben in der sachen geschehen was recht sein wirdt. Datum Coln an der Sprew, Mitwochs Nach Exaltacionis crucis Anno X.

Vnnfern lieben getrewen veit seinen Bruder vnd vettern von flieben, Balthasar fliben feligen Erben zu Barut.

Nach dem Concepte des Ges. Minist. Archives.

CCCXLIV. Kurfürst Joachim fordert den Rath der Altstadt Brandenburg auf, einen Todtschläger zu veranlassen, dem Kurfürsten Abtrag zu thun, am 13. Juli 1511.

Joachim, von gotts gnaden Marggraue zu Brandenburg vnnnd Churfurst, zu Stettin, pomeran etc. herzog, Burggraue zu Nurnberg, Vnnfern grus zuuorn. Lieben getrewen. Wir haben ewer schreiben von wegenn peter Sweinschneiders Inhalts vornehmen vnd schicken euch daruff ein gleit ewern Bitten nach vff gnanten peter lautende hiemit zu vnd Begern an euch, so jr die sache vortragen werdet, jr wollet vns vorbehalten, das vns gnanter peter vmb ergangen vnd gethanen gewalt, dieweil der todtsflag in vnsern gerichtten gescheen, wandel vnd abtrag thue vnd sich mit vns vortrage daran thut jr vnsern gantzen willen vnd meynung, euch darnach zurichtten. Datum Coln an der Sprew, Suntags margarete, Anno etc. vndecimo.

Nach dem Original.

CCCXLV. Kurfürst Joachim benachrichtigt die Stadt Brandenburg, daß er Lorenz Hüter noch auf 5 Jahre zum Musterer und Fußknecht für ihre und der kleinen Städte Kriegsvolk angenommen habe, am 21. Juli 1511.

Joachim, vonn gotts gnaden Marggraue zu Brandenburg vnnnd Churfurst, zu Stettin, pomern etc. hertzen, Burggraue zu Nurnberg. Vnnfern grus zuuorn. Lieben getrewen. Nachdem wir hieuorn lorentzen hueter bey euch zu vnserm fußknecht vnd musterer etlich jar aufgenommen auff ewer vnnnd der andern kleinen stett befodung vnd die zeit schir hinfur vnd aus ist, geben wir euch zu erkenen, das wir jne nach aufsgangk der zeyt widerumb funf jarlang aufgenommen haben. Derhalben Begern wir an euch, jr wollet jme die zeit aus solich sein befodung volgen lassen vnd wie bissher gescheen sampt den kleinen Stetten aufsrictten: daran geschicht vnser meynung euch darnach zu achten. Datum Coln an der Sprew, am montag abends marie magdalene, Anno etc. vndecimo.

Nach dem Original.